

Deiliaid FMM

Forestry Commission  
231 Corstorphine Road  
EDINBURGH  
EH12 7AT

Fy nghyfeirnod: FM3.4.34

## **MEMORANDWM RHEOLI COEDWIGOEDD 34 PANELI AMGYLCHEDDOL**

### **Cwmpas a Diben**

Mae'r memorandwm hwn yn nodi polisi Menter Coedwigaeth ar Baneli Amgylcheddol.

### **Cefndir**

Mae'r Paneli Cadwraethol wedi bod o fudd i Reolwyr Ardal Goedwig gan roi gwybodaeth iddynt ar sut y gellir gwella gwerth cadwraethol yr ystâd. Gan fod pwyslais cynyddol ar fuddion lluosog, bydd cwmpas y paneli hyn yn cael ei ledu i gynnwys pob agwedd amgylcheddol ar ein rheolaeth ar y goedwig, a'r defnydd hamdden ohoni.

### **Gweithred**

Bydd pob Ardal Goedwig yn sefydlu Panel Amgylcheddol newydd neu'n ehangu amodau gorchwyl y Paneli Cadwraethol sydd eisoes yn bodoli gan roi cyhoeddusrwydd priodol fel bod yna ymwybyddiaeth yn lleol am fodolaeth y Panel a'i nodau ac amcanion. Y bwriad yw bod pob Panel wedi cyfarfod o leiaf unwaith erbyn diwedd Mawrth 1993.

### **Cyswllt**

Dylid cyfeirio unrhyw ymholiadau ynglŷn â'r memorandwm hwn at Richard Toleman, Is-adran Rheoli Coedwigoedd, y Pencadlys.

J Dewar  
Is-adran Rheoli Coedwigoedd  
Tachwedd 1992

## **PANELI AMGYLCHEDDOL**

### Cefndir

1. Mae nodau'r Comisiwn Coedwigaeth yn croesawu rheoli'r ystâd am gynnyrch y tu allan i'r farchnad yn ogystal â chynnyrch marchnadadwy. Gan nad oes mecanwaith brisio, mae'n anos adnabod y galw am fuddion y tu allan i'r farchnad, rhoi Pwysidiâu cymharol ar gyfer gwahanol gynnyrch a datblygu atebion cost effeithiol. Fel Rheolwyr Coedwigoedd, efallai ein bod ni'n meddwl ein bod yn gwybod beth mae'r cyhoedd ei eisiau a sut gall yr ystâd ddarparu hyn orau ond mae ein penderfyniadau ni'n debygol o fod ar sail well os ydym wedi ymgynghori â'r bobl rydym ni'n ceisio eu gwasanaethu.
2. Ystyrir bod y Paneli Amgylcheddol yn fecanwaith defnyddiol ar gyfer cyfnewid safbwyntiau a gwybodaeth ar sut gall y CC a sut y mae'r CC yn rheoli coedwigoedd ar gyfer buddion hamdden, Cadwraeth a thirwedd. Mae'r memorandwm hwn yn nodi polisi'r Comisiwn Coedwigaeth ynghylch paneli ac yn gosod y fframwaith y byddant yn gweithredu oddi fewn iddo.

### Polisi

3. Bydd pob Ardal Goedwig yn ymgynnull Paneli Amgylcheddol. Bydd Cyfarwyddwyr Rhanbarthol yn sicrhau bod paneli yn gweithredu yn mhob Ardal Goedwig a bydd yr Is-adran Rheoli Coedwigoedd yn monitro cynnydd yn genedlaethol.

### Nodau ac Amcanion

4. Nodau bras y Paneli Amgylcheddol yw:

Cynghori Rheolwyr coedwigoedd ar sut y gellir rheoli'r ystâd i ddiogelu nodweddion gwerthfawr a chynyddu buddion y tu allan i'r farchnad, yn enwedig i gymunedau lleol.

5. Gallai fod yn fuddiol ymestyn hwn yn set o amcanion manylach i adlewyrchu natur a photensial yr ystâd a materion o bryder lleol. Dylai aelodau'r panel gefnogi'r amcanion ac ar ôl eu mabwysiadu nhw, dylid eu parchu a glynu wrthynt oni bai bod rheswm da iawn dros newid. Cytunir ar amcanion ac unrhyw newidiadau gan y Cyfarwyddwr Rhanbarthol.
6. Ni fwriedir i'r paneli fabwysiadu cyfansoddiad yn ffurfiol ac eithrio y bydd pob cyfarfod yn cael ei gadeirio gan aelod o staff y CC. Fodd bynnag, mae'n bwysig bod pob aelod yn ymwybodol o bwrpas y panel, ei amcanion a'i swyddogaeth. Bydd yn glir mai cyfrwng ar gyfer cyfnewid gwybodaeth a barn 2-ffordd a fforwm ar gyfer trafod yw'r panel. Nid oes gan y paneli swyddogaeth reolaethol.
7. Nid y paneli fydd yr unig ddull o gyfathrebu â'r cyhoedd. Gellir cynnal cyfarfodydd agored i esbonio ein cynlluniau a'n polisiâu fel bo'r angen a byddant yn ategu gwaith y paneli.

### Cyfansoddiad

8. Y Rheolwr Ardal Goedwig fydd yn pennu cyfansoddiad pob panel, gan ystyried safbwyntiau'r panel. Dylid gwahodd aelodau am eu harbenigedd a / neu eu safle mewn cymunedau lleol. Dylent hefyd ddangos diddordeb yng ngwaith y panel. Bydd aelodau amharod yn annhebygol o fod o werth. Dylid rhoi blaenoriaeth i bobl sy'n byw o fewn ardal y panel.
9. Dylai penodiad cychwynnol i'r panel fod am 2 i 3 blynedd gyda'r opsiwn am ailbenodiad am 2 flynedd arall. Dylai'r niferoedd fod rhwng 7 a 10 gan gynnwys y cadeirydd o'r CC. Bydd trwyth cyson o aelodau newydd yn helpu ehangu trafodaethau ac yn osgoi unrhyw un diddordeb yn dominyddu.
10. Mewn sawl achos, bydd aelodau hefyd yn weithwyr neu'n gynrychiolwyr o sefydliadau y mae'r CC yn delio â nhw yn barod. Fodd bynnag, ni ddylai paneli weithredu yn lle cysylltu, os yw'n briodol, â chyrff statudol ac asiantaethau'r Llywodraeth.

### Ymdriniaeth

11. Er y gall un Panel Amgylcheddol fod yn ddigonol i ymdrin ag Ardal Goedwig gyfan, gall fod manteision o gael 2 neu fwy lle mae gwasgariad daearyddol eang, cymunedau sy'n amlwg yn wahanol (e.e. ynnysoedd) neu bynciau i'w trafod sy'n amlwg yn wahanol.

### Cynnal Cyfarfodydd

12. Bydd aelodau'r panel yn dangos mwy o ymroddiad i waith y panel os cânt gyfle i godi materion ac os cânt wrandawriad teg a derbyn adborth ar sut mae'r Comisiwn Coedwigaeth yn ymateb i drafodaethau'r panel.
13. Dylid osgoi gwaith papur gormodol ond dylid gwahodd aelodau'r panel i gyfrannu eitemau i'r agenda a dylid rhoi agenda ac unrhyw bapurau briffio iddynt o flaen llaw.
14. Ni fydd pob aelod ac ni ddylai pob aelod fod yn ymwneud yn broffesiynol â gweithgareddau sy'n gysylltiedig â'r amgylchedd neu'r goedwig. Gallant felly ei chael hi'n anodd mynychu cyfarfodydd yn ystod oriau gwaith arferol. Dylid rhoi ystyriaeth felly i gynnal rhai cyfarfodydd gyda'r nos neu ar benwythnosau. Gellir ad-dalu treuliau rhesymoli aelodau lleyg.

### Cyhoeddusrwydd

15. Dylid cyhoeddi lansiadau'r paneli trwy ddatganiadau i'r wasg a dylid gwahodd newyddiadurwyr lleol i fynychu cyfarfodydd paneli.

### Teitl

16. Trwy'r memorandwm hwn, defnyddiwyd "Panel Amgylcheddol" i ddisodli "Panel Cadwraethol". Hwn yw'r teitl sydd orau gennym ond gellir mabwysiadu teitlau eraill pan fydd mwy nag un panel mewn Ardal Goedwig yn delio â thestunau gwahanol.

Tachwedd 1992